

KANTONALNI SUD U TUZLI

I N F O R M A C I J A
O RADU KANTONALNOG SUDA U TUZLI
ZA 2018. GODINU

Tuzla, januar 2019. godine

UVODNE NAPOMENE

Organizacija, nadležnost i finansiranje pravosuđa, kao i druga pitanja značajna za organizaciju i funkcionisanje sudova na teritoriji Federacije Bosne i Hercegovine uređena su Zakonom o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10 i 72/10).

Odredbom člana 63. navedenog Zakona propisano je da sud podnosi godišnju informaciju o svom radu za proteklu godinu nadležnom ministarstvu pravde i Visokom sudskom i tužilačkom vijeću Bosne i Hercegovine.

U skladu sa prethodno navedenom zakonskom odredbom cilj ove informacije je da se nadležni organi upoznaju sa radom Kantonalnog suda u Tuzli u prethodnom periodu kroz pregled rada osnovnih organizacionih jedinica suda – Odjeljenja sudske uprave, Krivičnog, Građanskog i Upravnog odjeljenja.

I – SUDSKA UPRAVA

Poslovi kojima se obezbjeđuju uslovi za pravilan rad i poslovanje suda obavljaju se u okviru Sudske uprave.

Poslovi Sudske uprave u toku 2018. godine uspješno su obavljani, što je dalo primjerene rezultate u pogledu kvantiteta i kvaliteta rada suda.

Kantonalni sud u Tuzli na početku 2018. godine imao je ukupno 75 zaposlenika, od čega 26 sudija, uključujući i predsjednika suda i 49 zaposlenika, a na kraju 2018. godine broj sudija ostao je isti, s tim što smo primili jednog zaposlenika u radni odnos sa srednjom stručnom spremom, tako da je na kraju godine ukupno bilo 50 zaposlenika.

Sudije su raspoređene u okviru tri odjeljenja:

- Građanskog odjeljenja
- Krivičnog odjeljenja i
- Upravnog odjeljenja

i to tako što je u Građansko odjeljenje raspoređeno 16 sudija, s tim što je jedan sudija na dugotrajnom bolovanju, duže od godinu dana. U Krivično odjeljenje raspoređeno je 7 sudija a u Upravno odjeljenje je raspoređeno 2 sudija, s tim što je 1 sudija otišao na bolovanje u martu 2018. godine i još uvijek se nalazi na bolovanju, pa su zbog broja predmeta u ovom odjeljenju druge sudije koje su privremeno delegirane u ovaj sud svojim radom doprinijele rješavanju predmeta. U toku 2018. godine raspisan je konkurs za

izbor troje stalnih sudija za koja su obezbjeđena sredstva u budžetu ovog suda, ali procedura izbora ovih sudija još nije završena.

Obzirom na nedovoljan broj sudija u Kantonalnom sudu u Tuzli, Visoko sudsko i tužilačko vijeće BiH donijelo je odluku u 2018. godini kojom je povećao broj sudija u ovom sudu za 10 pozicija, odnosno sa 23 na 33 pozicije, što uključuje i poziciju predsjednika suda. Od 10 novih pozicija Vlada Tuzlanskog kantona obezbijedila je sredstva za izbor 3 stalnih sudija i procedura njihovog izbora još uvijek nije završena, tako da se nadamo da će početkom 2019. godine biti izvršen njihov izbor. U narednom periodu nastojat ćemo od Vlade Tuzlanskog kantona obezbijediti sredstva za popunjavanje ostalih slobodnih pozicija sudija u cilju efikasnije ostvarenja prava građana u sudskom postupku. Kantonalni sud u Tuzli pod svojom jurisdikcijom imao je 7 općinskih sudova, s tim što je pri kraju 2018. godine osnovan novi Općinski sud u Srebreniku koji je počeo sa radom. Povećanje broja sudija i stručnih saradnika u općinskim sudovima dovelo je do povećanja broja neriješenih predmeta u Kantonalnom sudu u Tuzli zbog nesrazmjera u pogledu broja sudija ovog suda i sudija općinskih sudova. Početkom rada novog Općinskog suda u Srebreniku taj nesrazmjer u 2019. godini još će se više odraziti ukoliko u Kantonalnom sudu u Tuzli ne dođe do povećanja broja sudija.

Odlukom Visokog sudskog i tužilačkog vijeća BiH broj 06-07-3-2425-3/2018 od 06.09.2018. godine troje sudija Kantonalnog suda u Odžaku privremeno je upućeno na rad u Kantonalni sud u Tuzli radi otklanjanja, zaostalih neriješenih predmeta, tako da ove sudije rade na rješavanju predmeta iz građansko – pravne i upravne oblasti, te su svojim radom na konkretnim predmetima doprinijeli rješavanju znatnog broja predmeta.

U 2018. godini protiv jednog sudije na krivičnom referatu, Prvostepena disciplinska komisija za sudije Visokog sudskog i tužilačkog vijeća Bosne i Hercegovine izrekla je disciplinsku mjeru smanjenja plaće u iznosu od 5% na period od 2 mjeseca zbog prekršaja iz člana 56. tačka 8. Zakona o Visokom sudskom i tužilačkom vijeću Bosne i Hercegovine, koja mjera je u cjelosti izvršena putem Ministarstva finansija Tuzlanskog kantona.

Kantonalni sud u Tuzli u 2018. godini imao je na početku godine 49 zaposlenika, a na kraju godine 50 zaposlenika, od čega 3 državna službenika. Još uvijek postoji potreba za većim brojem viših referenata za operativno – tehničke poslove (daktilografa), jer se obim posla stalno povećava, a zbog nedovoljnog broja administrativno – tehničkog osoblja težište posla se prenosi na postojeće zaposlenike, a što se sve odražava na njihovo zdravstveno stanje i njihov odlazak na opravdana bolovanja, a to sve utiče na efikasan proces rada u sudu.

- U 2018. godini uspješno je realizovan Program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH, Visokog sudskog i tužilačkog vijeća BiH, Agencije za državnu službu u Federaciji BiH i drugih institucija koje se bave stručnim osposobljavanjem državnih službenika i ostalih

zaposlenika. U vezi s tim, potrebno je napomenuti da je i u 2018. godini prema odluci Visokog sudskog i tužilačkog vijeća BiH svaki sudija bio obavezan da na stručnom osposobljavanju provede 3 dana u godini, te da su u skladu s tom odlukom sudije obavljale edukaciju kroz razne seminare, konferencije i razne okrugle stolove, na kojima su razmatrana aktuelna pitanja iz krivično – pravne, građansko – pravne oblasti i upravne oblasti. Interno stručno usavršavanje realizovalo se i u ovoj godini popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe.

Jedan stalni sudija koji je u ovaj sud izabran i počeo da radi od maja mjeseca 2017. godine, nalazi se na neprekidnom bolovanju od 01.10.2017. godine, pa sve do danas i neizvjesno je kada će doći sa bolovanja, a bio je raspoređen na građanski referat, tako da cijelu 2018. godinu nije radila. Drugi dodatni sudija nalazi se neprekidno na bolovanju od teške bolesti od mjeseca aprila 2018. godine, pa sve do danas. Nedostatak dvoje sudija odrazilo se na ukupan broj neriješenih predmeta. Ostale sudije koristile su kratkotrajna bolovanja, tako da se to nije odrazilo na efikasnost rada suda i njihov angažman na rješavanju donesenih planova rješavanja predmeta, koji su se u 2018. godini realizovali u visokom procentu. Ostala odsustva sudija bila su u skladu sa zakonom, a radi se o odsustvu po osnovu godišnjeg odmora, državnih i vjerskih praznika, te odsustvu zbog obavljanja edukativne aktivnosti.

Ustavni sud Bosne i Hercegovine koji ima apelacionu jurisdikciju za pitanja iz Ustava koja se pojave na osnovu presuda bilo kojeg suda u Bosni i Hercegovini u pogledu prava iz Ustava Bosne i Hercegovine, a između ostalog i prava zagarantovanih Evropskom Konvencijom o ljudskim pravima i osnovnim slobodama, donio je 121 odluku povodom predmeta koji se nalaze u radu kod ovog suda, od čega u 5 predmeta odluke kojima se odbacuje apelacija, u 53 predmeta odluke kojima se odbija apelacija, u 63 predmeta odluke kojima se usvaja apelacija po članu 6. Evropske Konvencije o zaštiti o ljudskim pravima, a u 2 predmeta odluke kojima se ukidaju odluke ovog suda. U 16 predmeta Ustavni sud BiH donio odluke kojima se nalaže ovom sudu okončanje postupka bez odlaganja, međutim, Ustavni sud BiH u svojoj odluci nije se odredio da li je odugovlačenju postupka doprinio prvostepeni ili drugostepeni sud, nego je naveo da su to redovni sudovi. U 63 predmeta kojima je usvojena apelacija od strane Ustavnog suda BiH, valja napomenuti da se radi o završenim predmetima u kojima su stranke nakon okončanja postupka podnosile apelacije zbog povrede člana 6. Evropske Konvencije o zaštiti o ljudskim pravima, s ciljem ostvarivanja prava na naknadu materijalne štete.

II – OSTVARENI REZULTATI U RADU NA PLANU RJEŠAVANJA PREDMETA U 2018 GODINI

Kantonalni sud u Tuzli donio je Plan rješavanja predmeta za 2018. godinu pod brojem 003-0-Su-17-000 927 dana 17. januara 2018. godine koji je dostavio Visokom sudskom i tužilačkom vijeću Bosne i Hercegovine. Na dan 31.12.2017. godine ukupno je u sudu bilo neriješenih 9.220 predmeta na svim referatima, od čega na **krivičnom referatu** 1.175 predmeta, na **građanskom referatu** 7.495 predmeta i na **referatu upravnog spora** 550 predmet.

U tački II Plana određeno je da sudija treba da riješi **70%** predmeta od godišnjeg normativa definisanog za način završetka „odluka u meritumu“ referata na kojem sudija postupa, a preostali dio norme u procentu od **30%** sudija će ostvariti rješavajući procesne ili hitne predmete koji zbog vremena podnošenja inicijalnog akta nisu uključeni u Plan.

Kantonalni sud u Tuzli u skladu sa tačkom 5. Izmjene i dopune Uputstva za izradu plana rješavanja predmeta bio je u obavezi svaka tri mjeseca donositi planove sa određenim brojem „predmeta po starosti inicijalnog akta“ koje je svaki sudija bio dužan staviti u rad u tromjesečnom periodu, a ti planovi su bili sastavni dio Plana rješavanja predmeta za 2018. godinu.

U skladu sa donesenim Planom u Tabeli I prikazan je pregled riješenih predmeta po starosti inicijalnog akta u izvještajnom periodu od 01.01.2018. godine do 31.12.2018. godine.

Tabela I – Pregled riješenih predmeta u izvještajnom periodu (od 01.01.2018. godine do 31.12.2018. godine)

Referat	Iniciran i 2017.g.	Iniciran i 2015.-2016.g.	Iniciran i 2014.-2011.g.	Iniciran i 2010.-2006.g.	Iniciran i 2005.-2001.g.	Iniciran i 2000. i ranije	Ukupno	% riješenih predmeta
Izvršni	0	16	322	309	28	5	680	100%
Krivični	38	230	373	25	1	0	667	98,81%
Parnični	13	28	918	144	10	6	1.119	100%
Prekršajni	226	84	9	1	0	0	320	100%
Privredni	0	6	201	22	2	0	231	100%
Upravni	48	134	5	0	0	0	187	100%
Vanparnični	0	4	32	6	0	0	42	100%
Zemljišno-knjižni	0	5	26	1	1	1	34	100%
Ukupno:	325	507	1.886	508	42	12	3.280	99,76%

Tabela II – Pregled starosti neriješenih predmeta na kraju izvještajnog perioda (od 01.01.2018. godine do 31.12.2018. godine)

Referat	Inicirani 2017.g.	Inicirani 2015.- 2016.g.	Inicirani 2014.- 2011.g.	Inicirani 2010.- 2006.g.	Inicirani 2005.- 2001.g.	Inicirani 2000. i ranije	Ukupno	% neriješeni predmeta
Izvršni	0	0	0	0	0	0	0	0
Krivični	4	2	2	0	0	0	8	0,24%
Parnični	0	0	0	0	0	0	0	0
Prekršajni	0	0	0	0	0	0	0	0
Privredni	0	0	0	0	0	0	0	0
Upravni	0	0	0	0	0	0	0	0
Vanparnič ni	0	0	0	0	0	0	0	0
Zemljišno -knjižni	0	0	0	0	0	0	0	0
Ukupno:	4	2	2	0	0	0	8	0,24%

I - Ocjena u pogledu stepena realizacije Plana

Kantonalni sud u Tuzli u skladu sa Planom rješavanja predmeta riješio je do 31.12.2018. godine na svim referatima ukupno 3.280 predmeta, te ostvario procent realizacije plana na nivou svih referata od 99,76%, s tim što valja dodati da se jedan sudija nalazi na kontinuiranom bolovanju dužem od godinu dana, a drugi sudija skoro godinu dana, tako da planom rješavanja nisu obuhvaćene ove sudije.

Na kraju izvještajnog perioda ostalo je neriješeno 8 prvostepenih krivičnih predmeta iz razloga što sudijama treba vrijeme da bi se ovi predmeti riješili, obzirom na njihovu složenost i težinu. Valja napomenuti, da je riješeno više predmeta, nego što je prvobitno uneseno u plan.

Od 3.280 riješena predmeta iz plana, riješeno je 12 predmeta iniciranih 2000. godine, 42 predmeta inicirana od 2005. godine do 2001. godine, 508 predmeta iniciranih od 2010. do 2006. godina, 1.886 predmeta iniciranih od 2014. do 2011. godina, 507 predmeta iniciranih od 2015. do 2016. godine i 325 predmeta iniciranih u 2017. godini.

- U izvještajnom periodu sud je realizovao postavljeni Plan, jer je umjesto planiranih 2.887 predmeta riješio 3.280 predmeta. Međutim, u 2018. godini moglo se riješiti i više predmeta da se dvoje sudije nije nalazilo na bolovanju dužem od godinu dana.
- Poseban problem suda predstavlja što sud još uvijek nema popunjenu sistematizaciju u pogledu potrebnog broja stalnih sudija, jer ovom sudu nedostaje još 10 stalnih sudija koji bi mogli raditi na zaostalim predmetima, te u toku godine smanjivati zaostatak za 2.000 predmeta.
- Sud nema odgovarajući broj stručnih saradnika koji bi mogli biti podrška radu sudija, jer samo ima 2 stručna saradnika, a nedostaju još 4 stručna saradnika.
- Sud je radio u otežanim prostornim mogućnosti i neadekvatnim uslovima rada, jer se u toku 2018. godine vršila rekonstrukcija cjelokupne zgrade suda, a koja još uvijek traje.

III – DODATNI BROJ RIJEŠENIH STARIH PREDMETA MIMO PLANA RJEŠAVANJA

U skladu sa Preporukom Visokog sudskog i tužilačkog vijeća BiH mimo plana rješavanja predmeta za 2018. godinu, Kantonalni sud u Tuzli je prioritetno do kraja 2018. godine riješio i 527 najstarijih predmeta koji su inicirani 2010. godine i ranije, te na taj način smanjio ukupan broj najstarijih predmeta koji su bili evidentirani u ovom sudu.

IV – KVANTITET RADA

Kantonalni sud u Tuzli ostvario je u 2018. godini **kolektivnu normu suda u procentu od 118,74%**.

Pregled ostvarene godišnje norme pojedinačno po sudijama je slijedeći:

Redni broj	Prezime i ime sudije	Procenat norme
1.	Hadžimehmedović Indira, predsjednik suda	126,68%
2.	Razić Asja, predsjednik Građanskog odjeljenja	146,38%
3.	Helić Vildana, predsjednik Krivičnog odjeljenja	227,27%
4.	Krsmanović Predrag, predsjednik Upravnog odjeljenja	112,23%
5.	Duraković Amela	106,89%
6.	Lekić Smiljana	112,54%
7.	Halilović Enisa	113,02%
8.	Radovanović Petar	116,28%
9.	Brkić Emina	120,02%
10.	Ferizbegović Amira	Na bolovanju
11.	Begović Tenzila	117,55%
12.	Sarajlić Jasna	111,00%
13.	Jović Verica	114,85%
14.	Stanković Silva	109,20%
15.	Trnačević Maida	113,75%
16.	Delić Amela	106,02%
17.	Škripić Aida	115,41%
18.	Halilović Vahida	119,33%
19.	Baraković Sabira	115,11%
20.	Hadžić Dženeta	Na bolovanju (za 92 radna dana koliko je radila ostvarila je normu od 42,78%)
21.	Porobić Huso	171,39%
22.	Džanić Rozalija	131,58%
23.	Sušić Mersida	143,97%
24.	Jusičić Samir	132,16%
25.	Lukanović Merima	97,00%
26.	Softić Paša	102,33%

Normu ispod 100% ostvarila je samo sudija Lukanović Merima i to 97%. Sudija Lukanović Merima radi na prvostepenom krivičnom referatu i drugostepenom prekršajnom referatu, tako da zbog rada na teškim i složenim prvostepenim krivičnim predmetima teže je ostvariti normu. Procenat norme od 97% je zadovoljavajući, jer je samo u procentu od 3% ostala uskraćena za ostvarenje norme od 100%.

Sudija Ferizbegović Amira nalazi se na kontinuiranom bolovanju od 01.10.2017. godine i dalje, a što je i evidentirano u tabeli.

Sudija Hadžić Dženeta nalazi se na kontinuiranom bolovanju od mjeseca aprila 2018. godine i dalje, tako da je za period od 92 radna dana koliko je radila u 2018. godini ostvarila normu u procentu od 42,78%.

Norma sudija iznad 100% koji su efektivno radili u 2018. godini kreće se u rasponu od 102,33% pa do 227,27%, koliku je normu ostvario predsjednik Krivičnog odjeljenja.

V – KVALITET RADA

Kvalitet rada suda izražava se u procentu potvrđenih, preinačenih i ukinutih odluka u predmetima koji su rješavani po žalbama i vanrednim pravnim lijekovima na Vrhovnom sudu Federacije Bosne i Hercegovine, a ocjenjuje se kroz rad sudija na referatima na kojima su raspoređene sudije u okviru sudskih odjeljenja. U pogledu kvaliteta donesenih odluka ovaj sud je postigao dobre rezultate, **jer je kvalitet sudskih odluka na svim referatima ostvaren u procentu od 93,44%**.

U sudu je ukupno doneseno 4.494 odluka na koje se može izjaviti pravni lijek. Ožalbeno je 634 odluka ovog suda, od kojih su u 229 predmeta odbačeni pravni lijekovi, u 519 predmeta potvrđena je odluka, u 59 predmeta preinačena, u 50 predmeta ukinuta je odluka ovog suda i u 6 predmeta odluka ovog suda je djelimično ukinuta. Od ukinutih odluka u 25 predmeta, predmet je vraćen ovom sudu na ponovno suđenje.

I u 2018. godini sud je zadržao kvalitet rada na svim referatima u visokom procentu.

Pregled ostvarenog kvaliteta rada pojedinačno po sudijama

Ime i prezime sudije	Broj donesenih odluka na koje se može izjaviti pravni lijek	Broj ožalbenih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Procent ukinutih odluka u odnosu na ukupan broj potvrđenih, preinačenih i ukinutih odluka	Procent ukinutih odluka u odnosu na ukupan broj donesenih odluka na koje se može izjaviti pravni lijek
Indira Hadžimehmedović	0	4	3	1	0	0	Nije imala ukinutih odluka	Nije imala ukinutih odluka
Amela Duraković	209	20	19	1	0	0	Nije imala ukinutih odluka	Nije imala ukinutih odluka
Smiljana Lekić	227	17	17	0	0	0	Nije imala ukinutih odluka	Nije imala ukinutih odluka
Enisa Halilović	224	16	15	1	0	0	Nije imala ukinutih odluka	Nije imala ukinutih odluka
Petar Radovanović	206	17	15	1	1	0	5,88%	0,49%
Asja Razić	216	29	24	4	1	0	3,45%	0,46%
Emina Brkić	243	14	12	2	0	0	Nije imala ukinutih odluka	Nije imala ukinutih odluka
Amira Ferizbegović	0	2	2	0	0	0	Nije imala 10 ožalbenih odluka.	Nije imala 10 ožalbenih odluka.
Tenzila Begović	242	24	17	6	1	0	4,17%	0,41%
Jasna Sarajlić	229	24	23	0	0	1	2,08%	0,22%
Verica Jović	234	19	16	2	1	0	5,26%	0,43%
Silva Stanković	221	28	27	1	0	0	Nije imala ukinutih odluka	Nije imala ukinutih odluka
Maida Trnačević	221	22	20	2	0	0	Nije imala ukinutih odluka	Nije imala ukinutih odluka
Amela Delić	218	5	5	0	0	0	Nije imala 10 ožalbenih odluka.	Nije imala 10 ožalbenih odluka.
Aida Škripić	239	23	20	3	0	0	Nije imala ukinutih odluka	Nije imala ukinutih odluka
Vahida Halilović	242	25	23	2	0	0	Nije imala ukinutih odluka	Nije imala ukinutih odluka

Ime i prezime sudije	Broj donesenih odluka na koje se može izjaviti pravni lijek	Broj ožalbenih odluka	Broj potvrđenih odluka	Broj preinačenih odluka	Broj ukinutih odluka	Broj djelimično ukinutih odluka	Procent ukinutih odluka u odnosu na ukupan broj potvrđenih, preinačenih i ukinutih odluka	Procent ukinutih odluka u odnosu na ukupan broj donesenih odluka na koje se može izjaviti pravni lijek
Sabira Baraković	208	2	2	0	0	0	Nije imala 10 ožalbenih odluka.	Nije imala 10 ožalbenih odluka.
Predrag Krsmanović	217	34	26	4	4	0	11,76%	1,84%
Dženeta Hadžić	35	6	3	1	3	0	Ne vrši se ocjenjivanje jer je sudija na dužem bolovanju	Ne vrši se ocjenjivanje jer je sudija na dužem bolovanju
Huso Porobić	33	17	11	1	4	1	26,47%	13,64%
Rozalija Džanić	16	4	3	0	1	0	Nije imala 10 ožalbenih odluka.	6,25%
Vildana Helić	15	4	4	0	0	0	Nije imala 10 ožalbenih odluka.	Nije imala 10 ožalbenih odluka.
Mersida Sušić	27	10	5	1	4	0	40,00%	14,81%
Samir Jusičić	125	31	23	4	4	0	12,90%	3,20%
Merima Lukanović	104	33	27	2	4	0	12,12%	3,85%
Paša Softić	133	83	59	5	17	2	21,69%	13,53%

Iz navedene tabele slijedi da je najbolji kvalitet sudskih odluka postignut na građanskom referatu i referatu upravnog spora u odnosu na kvalitet sudskih odluka na krivičnom referatu, jer kod nekoliko sudija na ovom referatu evidentiran je procent ukinutih odluka u većem postotku.

VI – PROTOK PREDMETA I REZULTATI RADA SUDA

Kantonalni sud u Tuzli započeo je 2018. godinu sa prenesenih 9.220 neriješenih predmeta na svim referatima, a od tog broja na građanskom referatu preneseno je 7.495 predmeta, na krivičnom referatu 1.175 predmeta

i na referatu upravnog spora 550 predmeta. U toku 2018. godine primljeno je na svim referatima ukupno 6.591 predmet i najviše predmeta primljeno je na građanskom referatu 3.841 predmet, na krivičnom referatu 2.085 predmeta i na referatu upravnog spora 362 predmeta.

U odnosu na 2017. godinu kada je na svim referatima primljeno 6.814 predmeta, u 2018. godini primljeno je 6.591 predmet, što predstavlja smanjenje za 223 predmeta ili procentualno 3,3%. U 2017. godini na građanskom referatu primljeno je 3.935 predmeta, dok je u 2018. godini primljeno 3.841 predmet, što predstavlja smanjenje za 94 predmeta ili procentualno 2,3%. Na krivičnom i prekršajnom referatu u odnosu na 2017. godinu kada je primljeno 2.536 predmeta, u 2018. godini primljeno je 2.085 predmeta, što predstavlja smanjenje za 451 predmet u odnosu na 2017. godinu ili procentualno 18%. Na referatu upravnog spora u odnosu na 2017. godinu kada je primljeno 343 predmeta, u 2018. godini primljeno je 303 predmeta, što predstavlja smanjenje za 40 predmeta ili procentualno 12%.

Ukupno u radu na svim referatima bilo je 15.811 predmeta, što u odnosu na 2017. godinu kada je u radu bilo ukupno 15.958 predmeta predstavlja smanjenje za 147 predmeta ili procentualno 0,9%. U 2018. godini riješeno je na svim referatima 7.051 predmet, što predstavlja povećanje broja riješenih predmeta za 312 predmeta u odnosu na 2017. godinu kada je na svim referatima riješeno 6.739 predmeta.

Na kraju 2018. godine na svim referatima je ostalo neriješeno 8.760 predmeta, što u odnosu na 2017. godinu kada je ostalo 9.219 predmeta predstavlja smanjenje broja neriješenih predmeta za 459 predmeta ili procentualno 4,98%.

Kantonalni sud u Tuzli uspio je u 2018. godini riješiti tekući priliv predmeta i smanjiti broj neriješenih predmeta, ali sigurno bi rezultati bili još bolji da se dvoje sudija ne nalazi na kontinuiranom bolovanju i to jedan sudija od 01.10.2017. godine, a drugi sudija od aprila mjeseca 2018. godine. Dvoje sudija bi uspjelo riješiti u toku godine najmanje 400 predmeta, što bi uticalo na smanjenje ukupnog broja neriješenih predmeta.

Nedostatak sudija također se odrazio na ukupan broj predmeta, jer postupak oko izbora troje sudija još uvijek nije završen. Dvoje sudija koji se nalaze na bolovanju sa troje sudija koji bi trebali biti izabrani, mogli bi na godišnjem nivou riješiti 1.000 predmeta, što bi bilo znatno smanjenje broja neriješenih predmeta.

Na slijedećoj tabeli prikazan je protok predmeta u sudu po osnovnim referatima:

Protok predmeta u Kantonalnom sudu u Tuzli za 2018. godinu

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
----------------	---	--------------------------	----------------------------------	-------------------------	---

Građansko odjeljenje

Gž	4103	2092	6195	1995	4200
Pž	1245	523	1768	548	1220
Rsž	998	536	1534	384	1150
Gvl	17	9	26	15	11
Gvlž	4	5	9	7	2
V	44	282	326	288	38
Gži	932	154	1086	547	539
Mo	0	3	3	3	0
Mož	5	33	38	34	4
P	0	0	0	0	0
Pvl	7	4	11	5	6
Pvlž	2	0	2	2	0
Pžip	86	21	107	64	43
R	3	76	79	77	2
Mpom	5	0	5	5	0
Rsvl	5	1	6	3	3
Rsvlž	1	2	3	2	1
Rsži	38	100	138	61	77
Ukupno	7495	3841	11366	4040	7296

Krivično odjeljenje

K	35	56	91	55	36
Ratni zločin	3	3	6	3	3
Kž	981	863	1844	1043	801
Kžk	4	24	28	22	6
Kv	30	267	297	258	39
Kvl	2	3	5	4	1
Kpp	14	164	178	168	10
Kps	15	40	55	42	23
Kp	3	6	9	9	0
Pr-Pžpr	1	0	1	1	0
Kbs	4	21	25	13	12
Kmž	1	2	3	3	0
lksž	0	64	64	64	0
Pžp	65	431	496	407	89
K-R	0	63	63	60	3
Kr	2	15	17	16	1
Mpom	12	48	60	47	13
Pžpm	0	5	5	5	0
Pr-R	3	10	13	13	0
Ukupno	1175	2085	3260	2233	1027

Vrsta predmeta	Broj neriješenih predmeta na početku izvještajnog perioda	Broj primljenih predmeta	Ukupan broj svih predmeta u radu	Broj riješenih predmeta	Broj neriješenih predmeta na kraju izvještajnog perioda
----------------	---	--------------------------	----------------------------------	-------------------------	---

Upravno odjeljenje

U	545	347	892	466	426
Uvl	2	1	3	2	1
Uvlž					
Už	0	5	5	3	2
Uvp	2	5	7	3	4
U-R	1	4	5	4	1
Ukupno	550	362	912	478	434
Su-AP	0	303	303	300	3
UKUPNO	9220	6591	15811	7051	8760

VII – RAD KRIVIČNOG ODJELJENJA

U okviru Krivičnog odjeljenja poslovi su se obavljali kroz postojeće referate i to: referat za prethodni postupak, referat za prethodno saslušanje, prvostepeni i drugostepeni krivični referat i drugostepeni prekršajni referat.

U Krivičnom odjeljenju radi 7 (sedam) sudija i to na prvostepenom krivičnom referatu 3 sudija, a 4 sudija na drugostepenom krivičnom referatu.

• Prvostepeni krivični referat

Na prvostepenom krivičnom referatu iz 2017. godine preneseno je 38 neriješenih predmeta, a u 2018. godini primljeno je 59 predmeta, tako da je ukupno u radu bilo 97 predmeta. U 2018. godini riješeno je 58 predmeta, a ostalo na kraju godine neriješeno 39 predmeta, što predstavlja povećanje za 1 predmet u odnosu na prethodnu 2017. godinu. Na prvostepenom krivičnom referatu predmeti ratnih zločina i pritvorski predmeti imaju prioritet u radu u odnosu na sve ostale predmete.

U strukturi krivičnih djela u predmetima koji su riješeni na prvostepenom krivičnom referatu najviše su zastupljena krivična djela – neovlaštena proizvodnja i stavljanje u promet opojnih droga, razbojnička krađa i razbojništvo, ubojstvo, pokušaj ubojstva i teška djela protiv sigurnosti javnog prometa, kako je to bilo i u prethodnoj godini.

- **Drugostepeni krivični referat**

U nadležnosti ovog referata je odlučivanje o žalbama izjavljenim protiv odluka donesenih od strane općinskih sudova u krivičnom postupku.

Na kraju 2017. godine ostalo je neriješenih 985 predmeta. U toku 2018. godine primljeno je 887 predmeta, tako da je ukupno u radu u ovoj godini bilo 1.872 predmeta. Riješeno je 1.065 predmeta, a ostalo je na kraju 2018. godine neriješeno 807 predmeta, što u odnosu na 2017. godinu predstavlja smanjenje broja neriješenih predmeta za 178 predmeta ili 18%.

- **Rješavanje predmeta ratnih zločina**

U skladu sa Uputstvom Visokog sudskog i tužilačkog vijeća BiH Kantonalni sud u Tuzli je sačinio Plan rješavanja predmeta ratnih zločina. U Plan su unesena 4 predmeta ratnih zločina. U toku 2018. godine riješena su 2 predmeta ratnih zločina i to jedan predmet oslobađajućom presudom koja nije pravomoćna i drugi predmet osuđujućom presudom koja također nije pravomoćna. Preostala 2 predmeta nisu završena zbog nedostupnosti optuženih, iz kojih razloga su protiv optuženih raspisane potjernice obzirom da se nalaze u bjekstvu. Pored plana završena su još dva predmeta ratnog zločina i to jedan osuđujućom presudom, a drugi oslobađajućom presudom. Kazne koje su optuženim izrečene u predmetima ratnih zločina kreću se u rasponu od 2 do 5 godina.

U 2018. godini ukupno je riješeno 4 predmeta ratnog zločina u kojima su donesene odluke koje još nisu pravomoćne.

- **Rješavanje predmeta korupcije i organiziranog kriminala**

Iz 2017. godine preneseno je 8 predmeta korupcije. U toku 2018. godine primljeno je 6 predmeta, tako da je ukupno u radu bilo 14 predmeta i isključivo se odnose na krivično djelo – zloupotrebe položaja ili ovlaštenja. U 2018. godini riješeno je 8 predmeta, a ostalo neriješeno 6 predmeta i svi ti predmeti su aktivni, što znači da sudije u tim predmetima postupaju. 7 predmeta riješeni su osuđujućom presudom u kojima su optuženim licima izrečene kazne zatvora koje su se kretale u rasponu od 1 do 9 godina, a 1 predmet je završen oslobađajućom presudom. U 7 predmeta izrečena je

kazna zatvora optuženim od 28 godina i 3 mjeseca. U jednom predmetu korupcije oduzeta je imovinska korist dvojici optuženih u ukupnom iznosu od 658.578,75 KM.

U 2018. godini primljen je 1 predmet organizovanog kriminala, koji je završen u toku 2018. godine osuđujućom presudom, kojom je optuženom izrečena kazna zatvora u trajanju od 5 godina i izrečeno oduzimanje imovinske koristi u ukupnom iznosu od 116.297,32 Eura.

- **Drugostepeni prekršajni referat**

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnim postupcima.

Iz 2017. godine preneseno je neriješenih 65 predmeta. U toku 2018. godine primljeno 431 predmet, tako da je ukupno u radu bilo 496 predmeta. U 2018. godini riješeno je 407 predmeta, a ostalo neriješenih 89 predmeta, što u odnosu na 2017. godinu predstavlja povećanje od 24 predmeta ili procentualno 4,8%. Međutim, obzirom na mali broj neriješenih predmeta na ovom referatu, da se zaključiti da je ovaj referat ažuran.

- **Zastarjelost pokretanja i vođenja krivičnog i prekršajnog postupka**

U 2018. godini nastupila je apsolutna zastara u 5 drugostepenih krivičnih predmeta i to zbog proteka vremena kada je učinjeno krivično djelo, te se u 4 predmeta radilo o nastupanju zastare prije dostavljanja predmeta na rješavanje po žalbi u ovaj sud, a u jednom predmetu zastara je nastupila kod ovog suda, zbog čega je sudija koji je bio zadužen predmetom disciplinski odgovarao.

U odnosu na 2017. godinu kada je nastupila apsolutna zastara u 2 predmeta i to u jednom drugostepenom krivičnom predmetu i u jednom drugostepenom prekršajnom predmetu zbog proteka vremena kada je učinjeno krivično djelo, odnosno prekršaj, u 2018. godini apsolutna zastara je nastupila u 5 drugostepenih krivičnih predmeta, što ukazuje na povećanje broja ovih predmeta, s tim što u 4 predmeta nije bilo doprinosa ovog suda na apsolutnu zastaru, nego doprinosa prvostepenog suda koji je predmet dostavio ovom sudu na rješavanje po žalbi iako je nastupila apsolutna zastara.

Sud izuzetnu pažnju posvećuje krivičnim i prekršajnim predmetima, te strogo vodi računa o vremenu kada je učinjeno krivično djelo, odnosno prekršaj, te uzima predmete po starosti inicijalnog akta, iz razloga da u tim predmetima ne bi nastupila zastara, ali u 4 predmeta je nastupila apsolutna zastara prije dostavljanja ovom sudu, dakle pred prvostepenim sudom.

VIII – RAD GRAĐANSKOG ODJELJENJA

U nadležnosti ovog odjeljenja je vršenje poslova drugostepenog suđenja u parničnim predmetima, poslova priznanja odluka stranih sudova, postupak po vanrednom pravnom lijeku (ponavljanje postupka), odlučivanje o žalbi na rješenje doneseno povodom prijedloga za ponavljanje postupka, kao i poslovi praćenja i proučavanja sudske prakse, a koji poslovi se obavljaju kroz drugostepeni građanski referat, prvostepeni referat i referat priznanja stranih sudskih odluka.

U Građansko odjeljenje bilo je raspoređeno 16 sudija, s tim što se jedan sudija nalazi na neprekidnom bolovanju od 01.10.2017. godine i neizvjesno je kada će se vratiti sa bolovanja, tako da je u ovom odjeljenju u 2018. godini radilo 15 sudija.

U toku 2018. godine na parničnom referatu primljeno je 3.841 predmet, tako da sa 7.495 predmeta koji su preneseni iz 2017. godine, na ovom referatu ukupno u radu je bilo 11.366 predmeta. Od tog broja riješeno je 4.040 predmeta, a ostalo neriješeno 7.296 predmeta, što u odnosu na 2017. godinu kada je na kraju godine ostalo neriješeno 7.495 predmeta, predstavlja smanjenje broja neriješenih predmeta za 199 predmeta ili procentualno 2,6%. Ovo smanjenje bi bilo znatno manje da se jedan sudija nije nalazio na neprekidnom bolovanju cijelu godinu i da je u ovo odjeljenje imenovano 3 sudija za koje je postupak u toku.

Kao i u prethodnoj godini na ovom referatu i dalje su zastupljeni predmeti koji se odnose na ostvarivanje prava iz radnog odnosa, potraživanje po osnovu duga, naknade štete, imovinsko – pravni sporovi, privredni sporovi, izvršni, vanparnični predmeti i zemljišno – knjižni predmeti. Obzirom na veliki broj predmeta kojima su sudije zadužene u okviru Građanskog odjeljenja uloženi su maksimalni naponi za smanjenje broja neriješenih predmeta, a što je bio i cilj Plana rješavanja predmeta kojeg je donio ovaj sud na početku godine, te je u 2018. godini uspio riješiti tekući priliv predmeta i nešto više predmeta od tekućeg priliva, što predstavlja napredak u odnosu na prethodne godine.

Svaki sudija na građanskom referatu zadužuje u prosjeku oko 480 neriješenih predmeta što predstavlja normu od 2,5 godine svakog sudije, bez tekućeg priliva. Ako se uzme u obzir broj neriješenih predmeta na kraju 2018. godine na ovom referatu koji iznosi 7.296 predmeta, bilo bi potrebno da 18 dodatnih sudija radi u periodu od 2 godine da bi se mogao riješiti taj broj predmeta, pod uslovom da te sudije ne dobijaju ni jedan novi predmet i da ne idu na bolovanja.

Poseban problem kada je u pitanju rad građanskog referata predstavlja suđenje u razumnom roku. U prethodnom periodu ovaj sud je suočen sa problemom podnošenja velikog broja apelacija od strane stranaka Ustavnom sudu BiH, kako u predmetima koji nisu završeni, tako i u predmetima koji

su završeni, a sve u cilju ostvarenja prava na naknadu materijalne štete. Ovaj sud nema dovoljan broj sudija da bi mogao blagovremeno rješavati predmete u nekom roku od godinu dana, iz kojih razloga se i podnose apelacije. Zbog rada na predmetima po starosti inicijalnog akta, a misli se na inicijalni akt kojim je pokrenut postupak pred općinskim sudom, sud je došao u poziciju da isključivo radi stare predmete koji dolaze sa općinskih sudova koji takvih predmeta imaju najviše, a to su Općinski sud u Tuzli i Općinski sud u Lukavcu. Radeći isključivo na starim predmetima u kojima inicijalni akt datira iz perioda 2010. i ranijih godina, sud nije u mogućnosti raditi na predmetima u kojima inicijalni akt datira od 2013. godine pa nadalje u ažurnijim sudovima na području Kantona, zbog čega stranke na rješavanje predmeta po žalbi u takvim predmetima čekaju i duže od 2 godine. Ukoliko bi se želilo postići suđenje u razumnom roku, Kantonalnom sudu u Tuzli treba odobriti sredstava za popunu potpune sistematizacije, a to znači izbor još 7 stalnih sudija u skladu sa proširenom sistematizacijom.

U okviru Građanskog odjeljenja Kantonalni sud u Tuzli je dao podršku Projektu „Sedmica sudske nagodbe“ koja se održala dva puta u toku godine, pozivanjem stranaka da pristupe u sud i da u cilju efikasnijeg rješavanja njihovih predmeta u postupku po žalbi pred ovim sudom zaključe sudsku nagodbu, jer će na taj način skratiti vrijeme trajanja spora, kao i ostale troškove nastale u vezi sa sudskim postupkom. Projekat „Sedmica sudske nagodbe“ bio je održan u mjesecu aprilu i mjesecu novembru 2018. godine.

IX – RAD UPRAVNOG ODJELJENJA

U nadležnosti ovog odjeljenja je odlučivanje u svim upravnim sporovima, kao i o zahtjevima za zaštitu sloboda i prava utvrđenih Ustavom, ako su takve slobode i prava povrijeđeni konačnim pojedinačnim aktom ili radnjom službenog lica u organima uprave, odnosno odgovornog lica u preduzeću, ustanovi ili drugom pravnom licu kada za zaštitu tih prava nije osigurana druga sudska zaštita.

Na referatu upravnog spora iz 2017. godine preneseno je 550 predmeta, a u toku 2018. godine primljeno je 362 predmeta, tako da je u 2018. godini ukupno u radu bilo 912 predmeta, dakle 172 predmeta manje nego u 2017. godini. U toku 2018. godine riješeno je 478 predmeta i na kraju godine ostalo je neriješenih 434 predmet, što predstavlja smanjenje za 116 predmeta u odnosu na 2017. godinu, a sve iz razloga što su po odluci Visokog sudske i tužilačkog vijeća BiH, radi rješavanja predmeta upravnog spora i predmeta iz građansko – pravne oblasti, u ovaj sud delegirano 2 sudija iz Kantonalnog suda u Odžaku koji su svojim radom dali značajan doprinos efikasnijem radu ovog suda. Jedan sudija sa ovog referata nalazi se na kontinuiranom bolovanju još od mjeseca aprila 2018. godine.

X – DUŽINA TRAJANJA POSTUPKA NA REFERATIMA

Prosječno trajanje postupka na drugostepenom parničnom referatu iznosilo je 576 dana, a na drugostepenom privrednom referatu 646 dana, jer se predmeti rješavaju po starosti inicijalnog akta kojim je postupak pokrenut pred općinskim sudom, tako da se građanski predmeti posebno ne odvajaju, nego sudije rješavaju sve vrste građanskih predmeta isključivo po starosti inicijalnog akta.

Na prvostepenom krivičnom referatu prosječno trajanje postupka iznosi 574 dana, a u ove postupke su uključeni predmeti ratnih zločina, koji se zbog složenosti postupka ne mogu riješiti u optimalnim rokovima.

Postupak po žalbi u vanparničnim predmetima prosječno je trajao 486 dana, jer se i u ovim predmetima postupa po starosti inicijalnog akta, odnosno akta kojim je pokrenut postupak pred općinskim sudom.

Prosječno trajanje postupka u predmetima upravnog spora iznosilo je 297 dana i ispod je predvidivog roka.

Ispod predvidivog roka je i postupak u drugostepenim krivičnim predmetima u kojima je postupak trajao 409 dana i u drugostepenim prekršajnim predmetima u kojima je postupak trajao 54 dana.

Također ispod predvidivog roka je i postupak u zemljišno – knjižnim predmetima, stečajnim predmetima, u postupku ponavljanja postupka u građanskim stvarima i prilikom odlučivanja o žalbi na mjeru osiguranja.

U postupcima odlučivanja o žalbi na odluke o ponavljanju postupka, i o samom ponavljanju postupka, došlo je do neznatnog prekoračenja predvidivog roka, tako da je u ovim predmetima postupak u prosjeku trajao 302 dana.

Prosječno trajanje riješenih predmeta u sudu na godišnjem nivou iznosi 589 dana, a prosječno trajanje neriješenih predmeta 533 dana.

Nedovoljan broj sudija i dugotrajna odsustva sudija zbog bolesti na referatima na kojima ima najviše neriješenih predmeta, uticalo je na prosječno trajanje riješenih i neriješenih predmeta.

XI – ZAKLJUČAK

Na osnovu podataka navedenih u informaciji o radu Kantonalnog suda u Tuzli za 2018. godinu može se zaključiti da je sud postigao dobre rezultate u svom radu, da je uspio riješiti veći broj predmeta u odnosu na tekući priliv predmeta, pa u konačnici i smanjiti broj neriješenih predmeta u odnosu na prethodnu godinu, iako je radio u nepopunjenom kapacitetu, jer se dvoje sudija nalazi na dugotrajnom bolovanju i neizvjestan je njihov povratak sa bolovanja. U ovom sudu nije popunjena sistematizacija i sudu nedostaje 10 stalnih sudija da bi radio u punom kapacitetu. Vlada Tuzlanskog kantona za 3 sudija obezbijedila je sredstva za njihovo imenovanje i taj proces još uvijek traje, tako da se nadamo da će on biti završen u 2019. godini, jer izborom novih sudija mogli bi postići značajne rezultate u pogledu smanjenja broja neriješenih predmeta. Skoro sve sudije na svojim referatima ostvaruju

utvrđenu programsku normu, pa čak je i prebacuju, ali bez popune sistematizacije u potpunosti, ne mogu se očekivati značajni rezultati, jer nedostatak sudija direktno utiče na ukupan broj riješenih predmeta, a time i na ukupne rezultate rada suda.

Stoga smatramo da bi bilo opravdano da se u potpunosti popuni sistematizacija ovog suda u pogledu utvrđenog broja sudija koji nedostaju po sistematizaciji suda, jer se samo na taj način može postići suđenje u razumnom roku. Popunjavanje sistematizacije suda dovelo bi do toga da bi stranke u sudskom postupku brže mogle ostvariti svoja prava i ne bi se obraćale Ustavnom sudu BiH, zbog suđenja u razumnom roku. Za naknade štete koju je Ustavni sud BiH dosudio strankama u posljednje dvije godine mogla su se obezbijediti sredstva za izbor nekoliko sudija koji bi radili na rješavanju starih predmeta.

Kao i u prethodnim godinama ukazivali smo na nesrazmjernan broj sudija Kantonalnog suda u Tuzli u odnosu na broj sudija i stručnih saradnika u općinskim sudovima Tuzlanskog kantona kojih sada ima 8, pa zbog tog nesrazmjera jedan sudija ovog suda odlučuje po žalbama u predmetima u kojima je odluke donio 5 sudija ili stručnih saradnika općinskog nivoa, a koji su zaduženi sa daleko manjim brojem neriješenih predmeta, nego što je to situacija sa sudijama Kantonalnog suda u Tuzli. Svaki sudija ovog suda koji radi na građanskom referatu u prosjeku zadužuje oko 470 neriješenih predmeta, a sudija koji radi na drugostepenom krivičnom referatu u prosjeku oko 200 neriješenih predmeta, što znači da kada sud ne bi primao ni jedan novi predmet, sudijama na građanskom referatu bi trebale 2,5 godine da riješe zadužene predmete, a sudijama na krivičnom referatu nešto više od jedne godine dana.

Također smatramo da je jedna od mjera koja može uticati na efikasniji rad suda delegiranje sudija iz sudova koji imaju daleko manji broj predmeta u radu ili ih nemaju, u sud koji je opterećen većim brojem predmeta, kao što je to Visoko sudsko i tužilačko vijeće učinilo delegiranjem sudija iz Kantonalnog suda u Odžaku u Kantonalni sud u Tuzli, koji u toku godine urade priličan broj predmeta i svojim radom značajno utiču na efikasniji rad ovog suda.

Efikasnijem radu suda doprinosi odgovarajući broj stručnih saradnika – državnih službenika koji bi pod nadzorom sudije radili na rješavanju predmeta. Sudu nedostaju još 4 stručna saradnika koji bi pod mentorstvom sudije radili na rješavanju predmeta iz građansko – pravne oblasti, obzirom da ima veliki broj neriješenih predmeta iz ove oblasti, a naročito komunalnih predmeta.

Jedna od mjera koja može uticati na efikasniji rad suda je odgovarajući broj administrativno – tehničkog osoblja, naročito daktilografa koji rade neposredno sa sudijom. U 2018. godini Vlada Tuzlanskog kantona podržala je zahtjev ovog suda za izbor ovih zaposlenika, ali još uvijek ima potrebe za povećanje njihovog broja, jer svaki sudija bi trebao imati svog

saradnika, obzirom na povećani obim sudijskog i administrativno – tehničkog posla u odnosu na prethodne godine.

Vlada Tuzlanskog kantona je Kantonalnom sudu u Tuzli kroz budžetska sredstva za 2018. godinu obezbijedila dovoljno sredstava da sud može potpuno funkcionisati i ispunjavati svoje nastale obaveze. Pored toga, Vlada Tuzlanskog kantona kroz kapitalna sredstva obezbijedila je Kantonalnom sudu u Tuzli iznos od 90.000,00 KM za nabavku lifta, zamjenu unutrašnje stolarije, nabavku i ugradnju plakara i zamjenu oluku na zgradi. Kroz postupak javnih nabavki koji je proveo ovaj sud u skladu sa zakonom, sredstva su iskorištena za svrhu za koju su i odobrena.

Početak marta 2018. godine iz sredstava Evropske Unije, a koje aktivnosti su vođene od strane Visokog sudskog i tužilačkog vijeća Bosne i Hercegovine, započeta je rekonstrukcija pravosudne zgrade u Tuzli u kojoj je smješten Kantonalni sud u Tuzli, Općinski sud u Tuzli i Kantonalno tužilaštvo Tuzlanskog kantona, te istovremeno i izgradnja nove zgrade Općinskog suda u Tuzli. Rekonstrukcijom zgrade pravosudnih institucija, Kantonalnom sudu u Tuzli obezbijedjeni su uslovi za smještaj cjelokupnog osoblja, te odgovarajući broj sudnica, dakle prostora koji sud nije imao u prethodnom periodu. Na ovaj način stvoreni su standardi za daleko bolji rad suda, kao i uslovi za bolji rad sudija i ostalih zaposlenika. Posebno napominjemo da je Vlada Tuzlanskog kantona podržala pojeekat rekonstrukcije zgrade pravosudnih institucija, te kroz dodijeljena sredstva sudu na ime kapitalnih ulaganja, omogućila da sud izvrši opremanje zgrade i uređaja u zgradi. Rekonstrukcija još nije završena i ista će se obavljati jednim dijelom i u 2019. godini, ali u narednom periodu ovom sudu će trebati obezbijediti odgovarajuća sredstva za opremanje 3 nove sudnice i nabavku kancelarijskog namještaja koji sudu nedostaje.

U pogledu saradnje Kantonalnog suda u Tuzli sa drugim institucijama, valja istaći izuzetno dobru saradnju sa Visokim sudskim i tužilačkim vijećem Bosne i Hercegovine, koje prati rad ove pravosudne institucije i pruža joj podršku u radu. Izuzetno dobra saradnja je ostvarena i sa Vrhovnim sudom Federacije Bosne i Hercegovine, Vladom Tuzlanskog kantona, Ministarstvom pravosuđa i uprave i Ministarstvom finansija Tuzlanskog kantona, Kantonalnim tužilaštvom Tuzlanskog kantona, općinskim sudovima na području Tuzlanskog kantona i Centrom za edukaciju sudija i tužilaca u Federaciji BiH, kao i ostalim institucijama sa kojima se sud susreće u svom radu.

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-18-000 879

Datum, 28. januar 2019. godine

PREDSJEDNIK SUDA

Indira Hadžimehmedović